



18. januar 2010

Inatisartut suleriaasiani § 36, stk. 1 naapertorlugu matumuuna ataani allaqqasooq apeqquteqaat Naalakkersuisunut saqqumiuppaa:

**Naalakkersuisunut apeqqut:**

**Tusagassaqartitsiviit inuiqatigiillu pisussatut eqqortutut isigilereerpaat, Naalakkersuisut aasarumiit ilaasunut akitsuut qaffanniaaraat (Takornariat angallatileruttorfianni). Ilumoorpa, Naalakkersuisut eqqarsaatigimmassuk akitsuutit taaneqartut qaffanneqarnissaat taamaassimappallu tamatumunnga suna pissutaava ?**

(Inatsisartuni ilaasortaq Justus Hansen, Demokraatit)

**Tungavilersuut:**

Saamasumik isigalunga naatsorsuutigaara, Naalakkersuisut qulaani apeqquteqaatiga akiumaaraat nassuiarlugu, akitsuusersuineq qaffangaatsiarnaviannngitsoq, ilaasunut akitsuutit ukiukkut taamaaqataanik appartinneqartarmata. Taamatut akineqarnissara kissaatiginngilara.

Akissut takujumasara tassaavoq Naalakkersuisut tungavilersuilluarlutik nassuiassagaat ilaasunut akitsuutit qaffanneqartussatut eqqarsaatigineqartut pillugit qanoq eqqarsaasersornerlutik tassunga ilanngullugu aamma erseqqissumik akeqqara naatsorsorneqarsimanersoq, akitsuutit qaffanneqarnissaat piviusunngussappat tamanna takornariatitsisartunut qanoq kinguneqassanersoq.

Nalunngilluinnarpara, ilaasunut akitsuutip qaffanneqarnera takornariat aasami sulinngiffeqarnerminnut atatillugu Nuummukarusunnerannut Ilulissanukarusunneranulluunniit allanngortitsinaviarunannngitsoq, sumiiffinnut taakkununga ornigunneq ima akisutigimmat allaat apeqqutaanani Danmarkikoorlutik Islandikoorlutilluunniit ornigussimanersutit. Ernummatigaarali, sumiiffinni allani soorlu kujataani tunumilu takornariaqarneq eqqornerlunneqarsinnaasoq. Orniguffissat taakku timmisartortitseqatigiiffinnit allanit akikitsunngitsumik orninneqartarput, ernummatigaaralu ilaasunut akitsuut qaffanneqarpat timmisartortitseqatigiiffiit taakku kujataanut tunumullu timmisartumik angalanissaminut piomassusaat perusunnerallu innarlerneqassannginnersoq, taamami pisoqassappat allat nunatsinnut timmisartuussittalerniarlugit soqutiginnitsilernissaat aamma ajornartorsiutaalersussaavoq.

Apeqqutit akeqquneqarput ullut naliginnaasumik suliffiit qulit qaangiutsinnagit.